

etwann Andres Monhaupt zcu Ostrow gesessenn zcukouffen uf drey iar noch laute deß koufbriefs dorobir gegeben vorgonst vnde zcu gegeben had, welche tzinße obgemelt der selbie etwann Andres Monhaupt syne erben vnde erbnemenn in solchen drien iarn nicht wider abegekouft habenn, vnde sy nw an myne vorgemelten gnedigen heren von Sachßenn, also an der selbien tzinße vnde dorffer rechte erblehen heren komen sind, vnde sy mir der selbien czinße wedirkouff abelobunge och furtan erblichenn zeuerkouffenn vmbe manchirley myner getruwen dinste, dy ich on getan habe vnde noch thun wurde, den wirdiegen heren Thideriche von Schonberg, ern Hermann Esschewege seniori vnde capitel zcu Missen vnde allen iren nochkommen gnedelichen vorgonst habenn, das ich dy obgemelten tzinße den selbien wirdigen heren tumprobste vnde gantzen capittel erblich recht vnde redelich vorkouft habe vnde vorkouffe, dy on denne myne gnedige heren von Sachßenn vmbe irer vnde meyner vllissigen bete willenn ewiclichen bey der kirchen zcu Missen vnde on zeublieben voreygent habenn, als ire brife dorobir gegeben clerlich inhalden vnde besagenn, vnde habe on dy gegeben obir sulche summa, nemlich hundirt Vngerische gulden, dy vor ym ersten kouffe vor dy selbien tzinße gegeben sind, alß der koufbrief czuisschen enander dorobir gegeben lautir ynheldet, vor virtzig schog grosschenn der besten Fribergir muntze, welche — sy mir bereyt wolzendanke beczalt habenn. Dorumbe sage ich sy solcher beczalunge gantz quyd ledig vnde loß —. Och globe ich gnantir Baltasar in guten truwen vor mich meyne erben vnde erbnemenn den wirdigen vormelten heren deß koufes eyne rechte wehre zeuthun vor ydermanns ynsproche —. Deß zcu rechtir orkunde habe ich — meyn insigil wissentlich an dißen briff laßen hengen, der gegeben ist zcu Missen noch Crists geburt, tausent vierhundirt, dornach ym neunvndesechtzigisten iaren am sonabunde Calixti deß heyligen babistes tage.

Nach dem Orig. im Stiftsarchiv zu Meissen mit dem Siegel an einem Pergamentstreifen.

### No. 1121. 1469. 15. Oct.

*Kurf. Ernst und Herzog Albrecht Brüder eignen die in der voranstehenden Urkunde genannten Zinsen dem Probst, Dechant und Capitel der Domkirche dem almechtigen gote, seyner reynen muter der iungfrawen Marie, allem hymmelischen here zcu lobe vnde eren, auch vnsern vorefare, vnser selbst vnde vnsern nochkomen selen zcu troste vnde sunderlich vmbe merunge willen gots dinst, dorzcu wir geneygt sint, zu freiem Eigenthum und verzichten für sich und ihre Nachkommen auf alle ihnen daran zustehenden Rechte und Lehen. Hiebey sint gewest vnde getzugen vnser rete vnde liben getruwenn er Ditterich von Schonberg ritter vndermarschalg, Johann von Merginthal cantzler vnde ander vnser manne vnde diener gnug gloubwirdiger. Zcu orkunde — geben zcu Dresden am sontage Hedwigis etc.*

Orig. im Stiftsarchiv zu Meissen mit dem Siegel des Kurf. Ernst an einem Pergamentstreifen.

### No. 1122. 1469. 28. Oct.

Anno domini 2c. sexagesimo nono am sonnabende Simonis vnde Judae haben meyn gnedigen herren vorgunst Jorgen Ponigken drytzehen schogk vnde eynvndedrissig grosschen im